



14 հունիսի 2014 թ.

N 380-Ա

ք. Ստեփանակերտ

**ՕՊԵՐԱՏԻՎ ՇՏԱՔ ԱՏԵՂԾԵԼՈՒ, 2014 ԹՎԱԿԱՆԻ  
ԲԵՐՔԱՀԱՎԱՔԸ ԿԱԶՄԱԿԵՐՊԵԼՈՒ ԵՎ ՖԻՆԱՆՍԱԿԱՆ  
ՄԻՋՈՑՆԵՐ ՀԱՏԿԱՑՆԵԼՈՒ ՄԱՍԻՆ**

Հիմք ընդունելով Լեռնային Ղարաբաղի Հանրապետության Անվտանգության խորհրդի 2014 թվականի հունիսի 5-ի նիստի ընթացքում հանրապետության Նախագահի կողմից տրված հանձնարարականները և 2014 թվականի հացահատիկային մշակաբույսերի բերքահավաքի անկորուստ կազմակերպման ու ընթացքում ծագած հարցերի օպերատիվ կարգով լուծման անհրաժեշտությունը՝ Լեռնային Ղարաբաղի Հանրապետության կառավարությունը **ո ր ո շ ու մ է**.

1. Ստեղծել հանրապետական օպերատիվ շտաբ՝ համաձայն հավելվածի:

2. Հանրապետական օպերատիվ շտաբին՝

1) իրականացվող միջոցառումների և առկա իրավիճակի մասին 10-օրյա պարբերականությամբ տեղեկություններ ներկայացնել Լեռնային Ղարաբաղի Հանրապետության Նախագահի և Լեռնային Ղարաբաղի Հանրապետության կառավարության աշխատակազմ.

2) մինչև 2014 թվականի սեպտեմբերի 1-ը Լեռնային Ղարաբաղի Հանրապետության Նախագահի և Լեռնային Ղարաբաղի Հանրապետության կառավարության աշխատակազմ ներկայացնել ամփոփ հաշվետվություն բերքահավաքի ընթացքում կատարված աշխատանքների և իրականացրած միջոցառումների մասին.

3) բերքահավաքի գործընթացում ներգրավված և ակտիվ մասնակցություն ցուցաբերած քաղաքացիների տվյալները ներկայացնել Լեռնային Ղարաբաղի Հանրապետության գյուղատնտեսության նախարարություն՝ պարզևատրման համար:

3. Լեռնային Ղարաբաղի Հանրապետության պաշտպանության նախարարությանը՝ աջակցել և ակտիվ մասնակցություն ցուցաբերել բերքահավաքի ընթացքում իրականացվող միջոցառումներին:

4. Լեռնային Ղարաբաղի Հանրապետության արտակարգ իրավիճակների պետական ծառայությանը՝ բերքահավաքի ենթակա տարածքներում հակահրդեհային անվտանգության ապահովման համար 2014 թվականի հունիսի 15-ից տեղադրել շարժական ճամբարներ, սահմանել շուրջօրյա հերթապահություն՝ ապահովելով կապի համապատասխան տեխնիկական միջոցներով:

5. Լեռնային Ղարաբաղի Հանրապետության շրջանների վարչակազմերի ղեկավարներին՝ համայնքների բնակչության, հողօգտագործողների մասնակցությամբ

ճամբարներում ստեղծել շուրջօրյա հերթապահություն, յուրաքանչյուր ճամբարում ունենալ թրթուրավոր տրակտոր, հրդեհի մարման առաջնային միջոցներ, բնակչության շրջանում լայն բացատրական աշխատանք ծավալել բերքահավաքի հետ կապված անվտանգության կանոնների պահպանման ուղղությամբ, կանխել հնձված տարածքների ինքնակամ՝ առանց Լեռնային Ղարաբաղի Հանրապետության կառավարությանն առընթեր արտակարգ իրավիճակների պետական ծառայության համաձայնության կամ մասնակցության, հրկիզման դեպքերը, ինչպես նաև բերքահավաքի բնականոն գործընթացին խոչընդոտող ցանկացած երևույթ:

6. Լեռնային Ղարաբաղի Հանրապետության շրջանների վարչակազմերին և «Արցախուղի» փակ բաժնետիրական ընկերությանը՝ ձեռնարկել անհրաժեշտ միջոցառումներ բերքահավաքի ենթակա տարածքներ տանող ճանապարհների եզրերը բուսականությունից մաքրելու ուղղությամբ:

7. Լեռնային Ղարաբաղի Հանրապետության կառավարությանն առընթեր շրջակա միջավայրի և բնական ռեսուրսների վարչությանը՝ անտառապահների ուժերով կազմակերպել շուրջօրյա հերթապահություն, արգելել անտառներում և անտառահատվածներում կրակի վառումը և որսորդությունը:

8. Լեռնային Ղարաբաղի Հանրապետության կառավարությանն առընթեր Լեռնային Ղարաբաղի Հանրապետության ոստիկանությանը՝ ձեռնարկել բոլոր միջոցառումները հրդեհների կամ հրկիզումների դեպքում մեղավորներին հայտնաբերելու և սահմանված կարգով պատասխանատվության ենթարկելու համար:

9. Լեռնային Ղարաբաղի Հանրապետության առողջապահության նախարարությանը՝ բերքահավաքի ժամանակահատվածում կազմակերպել շրջիկ շտապ օգնության միջոցառումներ, հրշեջ շարժական ճամբարներին ապահովել առաջին անհրաժեշտության դեղամիջոցներով, շրջբուժմիավորներին՝ շիճուկներով:

10. Լեռնային Ղարաբաղի Հանրապետության մշակույթի և երիտասարդության հարցերի նախարարությանը՝ կազմակերպել մշակութային միջոցառումներ բերքահավաքի գործընթացում ընդգրկված քաղաքացիների համար:

11. Լեռնային Ղարաբաղի Հանրապետության գյուղատնտեսության նախարարությանը՝ հանրապետական օպերատիվ շտաբի կողմից ներկայացված ցանկում ընդգրկված անձանց պարզևատրելու համար հատկացնել 1 000 000 (մեկ միլիոն) ՀՀ դրամ (նախատեսված է 2014 թվականի պետական բյուջեով):

12. Առաջարկել հացահատիկ մթերոլ տնտեսավարող սուբյեկտներին՝ բերքահավաքի ժամանակահատվածում կազմակերպել հացահատիկի շուրջօրյա անխափան ընդունում:

13. Լեռնային Ղարաբաղի Հանրապետության «Հանրային հեռուստառադիոընկերություն» փակ բաժնետիրական ընկերությանը, Լեռնային Ղարաբաղի Հանրապետության զանգվածային լրատվական մյուս միջոցներին՝ պարբերաբար լուսաբանել բերքահավաքի և հակահրդեհային կանխարգելիչ միջոցառումների գործընթացը:

**ԿԱԶՄ**

**ՀԱՆՐԱՊԵՏԱԿԱՆ ՕՊԵՐԱՏԻՎ ՇՏԱՐԻ**

***Շտարի պետ***

Անդրանիկ Խաչատրյան Լեռնային Ղարաբաղի Հանրապետության  
գյուղատնտեսության նախարար

***Շտարի պետի տեղակալներ***

Արթուր Հարությունյան Լեռնային Ղարաբաղի Հանրապետության  
կառավարությանն առընթեր արտակարգ  
իրավիճակների պետական ծառայության տնօրեն

Մասիս Միքայելյան Լեռնային Ղարաբաղի Հանրապետության  
պաշտպանության բանակի հրամանատարի թիկունքի  
գծով տեղակալ

***Շտարի անդամներ***

Գագիկ Ղահրամանյան Լեռնային Ղարաբաղի Հանրապետության  
կառավարությանն առընթեր Լեռնային Ղարաբաղի  
Հանրապետության ոստիկանության պետի տեղակալ

Կոմիտաս Կարապետյան Լեռնային Ղարաբաղի Հանրապետության  
կառավարությանն առընթեր շրջակա միջավայրի և  
բնական ռեսուրսների վարչության պետ

Աշոտ Բախշիյան Լեռնային Ղարաբաղի Հանրապետության գյուղի և  
գյուղատնտեսության աջակցության հիմնադրամի  
տնօրեն

Սերգեյ Գրիգորյան Լեռնային Ղարաբաղի Հանրապետության Ասկերանի  
շրջանի վարչակազմի ղեկավար

Վլադիկ Խաչատրյան Լեռնային Ղարաբաղի Հանրապետության  
Մարտակերտի շրջանի վարչակազմի ղեկավար

Նելսոն Սողոմոնյան Լեռնային Ղարաբաղի Հանրապետության Մարտունու  
շրջանի վարչակազմի ղեկավար

Վալերի Գևորգյան Լեռնային Ղարաբաղի Հանրապետության Հադրութի  
շրջանի վարչակազմի ղեկավար

Վլադիմիր Կասյան Լեռնային Ղարաբաղի Հանրապետության Շուշիի  
շրջանի վարչակազմի ղեկավար

Սուրեն Խաչատրյան Լեռնային Ղարաբաղի Հանրապետության Քաշաթաղի  
շրջանի վարչակազմի ղեկավար

Վիտալի Դանիելյան Լեռնային Ղարաբաղի Հանրապետության Շահումյանի  
շրջանի վարչակազմի ղեկավար